

„დამტკიცებულია“
სსიპ-კოლეჯის „მერმისი“ დირექტორის
მოვალეობის შემსრულებლის
2024 წლის 14. 05. N 04-100 ბრძანებით

ცვლილება 2025 წლის 16.04. N 04-26 ბრძანება



სსიპ - კოლეჯი „მერმისი“

ვიდეომონიტორინგის განხორციელების წესი

მუხლი 1.

1. ვიდეომონიტორინგის განხორციელების წესის (შემდგომში - „წესი“) შემუშავების მიზანია სსიპ-კოლეჯის „მერმისი“ (შემდგომში - „კოლეჯი“), როგორც პერსონალურ მონაცემთა დამუშავებაზე პასუხისმგებელი პირის მიერ ვიდეომონიტორინგის განხორციელების პროცესში „პერსონალურ მონაცემთა დაცვის შესახებ“ საქართველოს კანონის დაცვის უზრუნველყოფა.
2. წინამდებრე წესი განსაზღვრავს ვიდეომონიტორინგის მიზანს, მოცულობას, ვიდეომონიტორინგის ხანგრძლივობას, ვიდეო ჩანაწერზე წვდომის, მათი შენახვისა და განადგურების წესსა და პირობებს, მონაცემთა სუბიექტის უფლებების დაცვის მექანიზმებს.
3. კოლეჯში ვიდეომონიტორინგი ხორციელდება „პერსონალურ მონაცემთა დაცვის შესახებ“ საქართველოს კანონის მე-10 მუხლით გათვალისწინებული საფუძვლით.

მუხლი 2.

1. კოლეჯში ვიდეომონიტორინგის განხორციელების მიზანია პროფესიულ სტუდენტთა/მსმენელთა და დასაქმებულთა უსაფრთხოებისა და კოლეჯის საკუთრების/ქონების დაცვის უზრუნველყოფა.
2. კოლეჯის მიერ ვიდეომონიტორინგის შედეგად მონაცემების დამუშავება ხორციელდება მხოლოდ იმ მოცულობით, რაც აუცილებელია ამ მუხლის პირველი პუნქტით გათვალისწინებული მიზნის მისაღწევად.

მუხლი 3.

1. კოლეჯი ახორციელებს შიდა და გარე პერიმეტრის ვიდეომონიტორინგს. კამერები აკონტროლებს - კოლეჯის ტერიტორიის მთავარ შემოსასვლელ ქიშკარს, მანქანის გასაჩერებელ ადგილებს, სკვერს, კოლეჯის შემოსაზღვრულ ღობეებს შიდა კუთხით, გარე სასწავლო შენობა-ნაგებობების კარებებს და ფანჯრებს, ასევე დამხმარე სასაწყობე და სამეურნეო შენობების კარებებსა და მიმდებარე არეალს. უშუალოდ შენობის შიგნით კამერები განთავსებულია და აკონტროლებენ მთავარ შემოსასვლელ კარებებს და მათ წინ არსებულ სივრცეს (მისაღებს),

კიბეების უჯრედებს ყველა სართულზე, დერეფნებს, სასწავლო და ადმინისტრაციულ ოთახებში შესასვლელ კარებებს, ლიფტის შესასვლელებს.

2. კოლეჯის შენობაში ვიდეომონიტორინგის განხორციელება არ ხდება სამუშაო და მოსასვენებელ ოთახებსა და ჰიგიენისათვის განკუთვნილ სივრცეებში.

3. კოლეჯში ვიდეომონიტორინგის სისტემის მეშვეობით არ ხორციელდება აუდიო ჩაწერა.

4. შენობის, როგორც გარე, ასევე, შიდა პერიმეტრზე განთავსებულია თვალსაჩინო გამაფრთხილებელი ნიშანი, რომ „მიმდინარეობს ვიდეო მონიტორინგი“ თანდართული დანართის შესაბამისად (დანართი N1).

5. შენობის შიდა და გარე პერიმეტრზე განთავსებული ვიდეოკამერების მეშვეობით ვიდეომონიტორინგი ხორციელდება 24 საათი- უწყვეტ რეჟიმში.

6. ვიდეომონიტორინგის სისტემის მიერ დაფიქსირებულ ვიდეოჩანაწერებზე, მათ შორის შიდა პერიმეტრის რეალურ დროში მონიტორინგზე, ვიდეოჩანაწერების ნახვაზე, გადახვევაზე და სხვა მოწყობილობაზე გადატანაზე წვდომაზე უფლებამოსილი პირია — ქსელის ადმინისტრატორი, ხოლო მისი არყოფნის შემთხვევაში დირექტორის შესაბამისი ბრძანებით განსაზღვრული პირი.

7. გარე და შიდა პერიმეტრის (მისაღებში განთავსებული კამერების) ვიდეოჩანაწერებზე რეალურ დროში დაკვირვებას ახორციელებს მომსახურების ხელშეკრულების საფუძველზე დაცვის კომპანიის მიერ დანიშნული დაცვის თანამშრომელი.

მუხლი 4.

1. კოლეჯში განხორციელებული ვიდეომონიტორინგის შედეგად დამუშავებული ინფორმაცია დაცულია უკანონო განადგურებისაგან, გამჟღავნებისაგან, მოპოვებისაგან, ნებისმიერი სხვა ფორმით უკანონო გამოყენებისა და დაკარგვისაგან.

2. ვიდეომონიტორინგის სისტემა ფიზიკურად დაცულია გარეშე პირებისაგან. იგი განთავსებულია სასერვერო ოთახში. ოთახის გასაღები ინახება უფლებამოსილი პირის სამუშაო სივრცეში, რომელიც ასევე დაცულია საკეტით, მისი გასაღები ინახება სეიფში, რომელიც განთავსებულია დირექტორის სამუშაო ოთახში და რომელზეც წვდომა აქვს დირექტორს და ქსელის ადმინისტრატორს.

3. პროგრამულ უსაფრთხოებას იცავს მაღალი დაშიფვრის პროტოკოლი (პაროლი), რომელზეც წვდომა აქვს მხოლოდ ქსელის ადმინისტრატორს, რომელსაც ეკისრება ვალდებულება დაიცვას პროგრამა ნებისმიერი ჩარევისაგან და არ გაამჟღავნოს პროგრამის მეშვეობით მოპოვებული ინფორმაცია, გარდა იმ შემთხვევისა, როდესაც აღნიშნული ინფორმაციის გაცნობაზე არსებობს კოლეჯის დირექტორის თანხმობა.

4. ვიდეოკამერის ჩანაწერი ინახება სამთვალყურეო სისტემების (DVR) შიდა მეხსიერების ბარათებზე.

5. ვიდეოკამერების ჩანაწერის მოცულობა არის - გარე პერიმეტრის კამერების შემთხვევაში 50 დღე, ხოლო შიდა კამერების 148 დღე. ვიდეოკამერის მოცულობის ამოწურვის შემდეგ, ახალი ჩანაწერის გაკეთება ხდება ძველზე გადაწერის გზით - რაც იწვევს ძველი ჩანაწერების ავტომატურ წაშლას. იმ შემთხვევაში, თუ ჩანაწერი ამოღებულია მისი განადგურება ხდება იმ პირის მიერ, ვის მიერაც ამოღებულ იქნა ჩანაწერი.

მუხლი 5.

1. ვიდეომონიტორინგის შედეგად მოპოვებულ ჩანაწერებს სპეციალური ნებართვის გარეშე შეიძლება გაეცნოს მხოლოდ კოლეჯის დირექტორი უფლებამოსილ პირთან ერთად. ყველა სხვა შემთხვევაში, ვიდეოჩანაწერის ნახვა შესაძლებელია მხოლოდ კოლეჯის დირექტორის წინასწარი

თანხმობის საფუძველზე. ვიდეოჩანაწერებთან წვდომის შემთხვევები აღირიცხება დანართი N2-ის შესაბამისად.

2. კოლეჯის შენობის შიდა და გარე პერიმეტრზე განთავსებული ვიდეოკამერების ჩანაწერებთან ნებართვის გარეშე წვდომის ფაქტის გამოვლენის შემთხვევაში ქსელის ადმინისტრატორი ახდენს იმ მომხმარებლის იდენტიფიცირებას და მისი მონაცემების აღრიცხვას (დანართი N3) რომელსაც ჰქონდა წვდომა ვიდეოკამერების ჩანაწერებთან (თარიღი, შესვლის დრო, სახელი) და ატყობინებს კოლეჯის დირექტორს.

3. კოლეჯის შენობის შიდა და გარე პერიმეტრზე განთავსებული ვიდეოკამერების ჩანაწერებთან არავერიფიცირებული წვდომის ან ინციდენტის დაფიქსირების შემთხვევაში, ქსელის ადმინისტრატორი ატყობინებს კოლეჯის დირექტორს.

4. ვიდეომონიტორინგის შედეგად მოპოვებული ვიდეოჩანაწერის მესამე პირისთვის გადაცემა შესაძლებელია მხოლოდ საქართველოს კანონმდებლობით გათვალისწინებულ შემთხვევაში.

5. კოლეჯის მხრიდან მიღებულია ყველა საჭირო ზომა, რომ ვიდეო მონიტორინგის შედეგად მიღებული ინფორმაცია არ გახდეს ხელმისაწვდომი მესამე პირისთვის, მათ შორის სოციალურ ქსელებში. აღნიშნული ინფორმაცია გამოიყენება მხოლოდ იმ შემთხვევებში, რომლებიც გათვალისწინებულია საქართველოს კანონმდებლობით. კოლეჯი იღებს ყველა საჭირო ზომას, რომ დაცული იყოს პირადი ცხოვრების ხელშეუხებლობა და პირადი მონაცემების უსაფრთხოება კანონმდებლობის შესაბამისად.

მუხლი 6.

1. კოლეჯი უზრუნველყოფს მონაცემთა სუბიექტის „პერსონალურ მონაცემთა დაცვის შესახებ“ საქართველოს კანონით გათვალისწინებული უფლებების დაცვას.

2. ვიდეომონიტორინგის პროცესში მონაცემთა დამუშავებასთან დაკავშირებულ საკითხებზე, მონაცემთა სუბიექტი უფლებამოსილია, მიმართოს კოლეჯის დირექტორს ან/და პერსონალურ მონაცემთა დაცვის ოფიცერს.

3. ვიდეო მონიტორინგის პროცესში პერსონალურ მონაცემთა დაცვასთან დაკავშირებულ საკითხებზე დაცვის შემთხვევაში მონაცემთა სუბიექტს უფლება აქვს, კანონმდებლობით დადგენილი წესით, მიმართოს პერსონალურ მონაცემთა დაცვის სამსახურს ან/და სასამართლოს.

მუხლი 7.

1. კოლეჯი უზრუნველყოფს მონაცემთა სუბიექტის „პერსონალურ მონაცემთა დაცვის შესახებ“ საქართველოს კანონის III თავით გათვალისწინებული უფლებების დაცვას.

2. კოლეჯი მონაცემთა სუბიექტის წერილობითი მოთხოვნის საფუძველზე, უზრუნველყოფს მონაცემთა სუბიექტის შემდეგი უფლებების რეალიზაციას:

ა) ვიდეოჩანაწერის ასლის მიღების უფლება;

ბ) ვიდეოჩანაწერის წაშლის და დაბლოკვის მოთხოვნის უფლება;

გ) ვიდეომონიტორინგის განმახორციელებელი პირის, ვიდეომონიტორინგის განხორციელების მიზნისა და სამართლებრივი საფუძვლის შესახებ ინფორმაციის მიღების უფლება;

დ) ვიდეოჩანაწერის სხვისთვის გადაცემის საფუძვლისა და მიზნის შესახებ ინფორმაციის მიღების უფლება.

3. ამ მუხლის მე-2 პუნქტით გათვალისწინებული უფლებების რეალიზაციის მიზნით, მონაცემთა სუბიექტი წერილობითი ფორმით - განცხადებით მიმართავს კოლეჯის დირექტორს, ვიდეოჩანაწერის თარიღის მითითებითა და მოთხოვნის საფუძვლის თაობაზე შესაბამისი დასაბუთებით.

4. კოლეჯის დირექტორი ამ მუხლის მე-3 პუნქტით გათვალისწინებულ განცხადებას, იმავე დღეს, უგზავნის პერსონალურ მონაცემთა დაცვის ოფიცერს, რომელიც ერთი თვის ვადაში განიხილავს მოთხოვნას და იმ შემთხვევაში, თუ პერსონალურ მონაცემთა დაცვის ოფიცერი მოთხოვნის საფუძვლის, შესაბამისი დასაბუთების და ვიდეოჩანაწერის შინაარსის გათვალისწინებით, მიზანშეწონილად მიიჩნევს მონაცემთა სუბიექტის მოთხოვნის დაკმაყოფილებას, მოთხოვნის შინაარსიდან გამომდინარე, კოლეჯის დირექტორი წერილობით ავალებს შესაბამის პასუხისმგებელ თანამშრომელს, უზრუნველყოს მონაცემთა სუბიექტის განცხადებაში მითითებული მოთხოვნის დაკმაყოფილება განსაზღვრულ ვადაში.

5. იმ შემთხვევაში, თუ პერსონალურ მონაცემთა დაცვის ოფიცერი მოთხოვნის საფუძვლის, შესაბამისი დასაბუთების და ვიდეოჩანაწერის შინაარსის გათვალისწინებით, მიზანშეწონილად არ მიიჩნევს მონაცემთა სუბიექტის მოთხოვნის დაკმაყოფილებას, იგი ერთი თვის ვადაში, კოლეჯის დირექტორთან შეთანხმების შემდეგ, მონაცემთა სუბიექტს, წერილობითი ფორმით ატყობინებს გადაწყვეტილებას, შესაბამისი დასაბუთების მითითებით.

6. მონაცემთა სუბიექტი უფლებამოსილია წერილობითი უარის მიღებიდან ერთი თვის ვადაში აღნიშნული გადაწყვეტილება გაასაჩივროს კანონმდებლობით დადგენილი წესით.

7. მონაცემთა სუბიექტის უფლებები შესაძლებელია შეიზღუდოს კანონმდებლობით გათვალისწინებულ შემთხვევებში.



**შენობაში მიმდინარეობს
ვიდეო კონტროლი**

სხიპ კიდეჭი „მერმისი“
ტელ: 0322 14-76-63



**მიმდინაეოებს
ვიდეო კონტროლი**

სსიპ კოლეჯი „მერმისი“
ტელ: 0322 14-76-63

ვიდეოჩანაწერზე წვდომის აღრიცხვის ჟურნალი

[illegible]

ճանաչող N3

აღრიცხვის ფორმა

[illegible]